



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ioannis Bugenhagenii Pomerani Annotationes ab ipso iam
emissæ. In Deuteronomium**

Bugenhagen, Johannes

Basileae

VD16 B 9247

Capvt XIII.

urn:nbn:de:hbz:466:1-36133

uere sanctorū uere opera bona, in speciem imitantur sine spiritu, ad quæ illi ducebantur spiritu. Illi per fidē & charitatem, quæadmodū Abraham qui iuebatur à deo. Nostri nulla necessitate aut utilitate proximi faciunt sectas perditionis, ut dicit Petrus. Alij dixerunt, Cur non faceremus acceptum deo opus, quemadmodū & Iepthe dux Israël, qui habebat spiritum dei faciebat, qui cōburebat uoto in holocaustum domino filiā suam. Iudicum. 11. Hi sunt qui uolunt imitari sanctorū errores, non uidentes uotum Iepthe non solum incautum fuisse, sed etiam impium, qui & postea non doluit se impie uouisse, sed incaute uouisse, ubi potius se quā deum respexit, tamen conscientia urgente, quia deum timuit, eodem errore compleuit quo uouerat, nō aderat illic qui moneret ut errati & nominis domini inuanum assumpti ueniam postularet. Quæ hodie uota iactant non sunt dissimilia, nisi q̄ in maiorem impietatem exeunt &c. Immolantur & hic filij & filie ut à deo sint alieni, & in aliud confidunt abiecto dei uerbo, tamen per hoc iudicantur deo proximi futuri, sed unde sic iudicantur? ex humana opinione, somnio & mendacio, nō ex dei uerbo, imò uerbum dei tales uisitas damnat, quid enim non damnaret mendacium ueritas? &c.

Votum uotum

Supra in fine capituli dixerat, Quod precipio tibi &c. ad quod respicit hoc totum caput, ne aliquid omnino admittamus quod uel uerbum dei non habet, uel cum uerbo dei pugnat. Adeo uero uult nos perstare in solo uerbo, ut si etiam diuersa doctrina ediderit miracula non credamus. Habes hic textum unde internoscas inter falsa & uera miracula. Vera sunt si qui facit nihil aliud deprehenditur quam merum docere uerbum dei, falsa si contra uerbum illud dum dei miraculis confirmatum, & si aliam praeter uerbum dei uult docere doctrinam, per quam tentat dominus fidem nostram, utrum ex animo stemus a uerbo eius. Fictis reuelationibus & signis Satanae mendacibus apud nos haecenus plena fuerunt omnia, propter quae secuti sumus ea quae uerbum dei non probat, imo etiam condemnat, quia non credimus ueritati sed mendacio. Mendacium fuisse hodie tandem apparet. quae huc pertinent uide. 2. Thess. 2. Seducitores & seducti secundum legem occidebantur, Nos tales statim occidere gladio uerbi dei debemus & conuincere eorum errorem, & detegere impietatem, si fieri potest, si non, debemus eos excommunicare & congregata ecclesia tradere Satanae, ut discant non blasphemare, quemadmodum Paulus facere solebat.

Sed statim interficies,

Id est, statim accusabis ad interficiendum ne hic privato

iudicio agas. Nam sequitur, Sit primum &c.

Belial]. i. absq; iugo, hoc est inobediētes uerbo dei.

Quare solcite. Hec lex docet nō temere iudicandū nisi causa diligenter cognita. Sic & dominus descendit sepe in Gen. ad uidendū &c. qui tamen oīa nouit, ne etiā tu iudex subito proferas sententiā in re tibi solū cognita &c. Omnia iubet cōburi ut ne memoria quidē impietatis supersit, facile enim carnales ad idololatriam cōmouentur monumentis impietatis. Vide quæ supra in fine ca. 7. diximus.

Non ædificabitur.

Lex est nō prophetia, sicut legis Iosue. 6. de Hiericho, quæ red. ædificata est. 3. Reg. 16.

CAPVT XIII.

Hoc caput à ritu & uictu gentium populū dei secernit, & in fine rursus de decimis, primogenitis & primitijs præscribit.

Primū dicit, Filij estis dei. Idcirco nō debetis gentiū superstitionibus cōtaminari. Gentilis autē superstitio est quicquid quasi sacrū absq; dei uerbo fit. Vnde Paulus ait, Eph. 5. Estote imitatores dei sicut filij charissimi. Et. 1. Tess. 4. Vult ne ducamur sicut gentes quæ ignorant deū. Deinde, Gentes Aegyptiæ lacerabant manus uel faciem, defunctis amicis, sicut & de prophetis Baal dolētibus q. non exaudirētur, legis. 3.